

## Rigor Moderatus Doctrinæ Pontificiæ Circa Usuras A SS. D. N. Benedicto XIV. Per Epistolam Encyclicam Episcopis Italiæ Traditus

Sancti Rigoris Specimina Exhibens - Mense Decembri M DCC XLVII

Zech, Franz Xaver Ingolstadii, 1747

Caput II. Specimen II. Sancti Rigoris. §.83. Usura Omni Jure Est Prohibita. (§.11.18.)

urn:nbn:de:hbz:466:1-63759

GEORG. à WIDMONT Colleg. in Pandect. p. 4. lib. 21. tit. 1.

ERNRICUS PIRHING, JACOB. WIESTNER, FRANCISC. SCHMALZGRUEBER, VITUS PICHLER ad lib. 5. Decretal.

ANTONIN. HEISLINGER Resp. Moral. in caus. Just. commut. p. 2. cas. 6. n. 3.



# CAPUT II.

Specimen II. Sancti Rigoris.

§. 83.

USURA OMNI JURE EST PROHIBITA

6. 84.

est probibita

Doctrinam Pontificiam (§.83.) de sola usura lucratoria & strictè dicta (§.75.) intelligendam esse, extra dubium ponitur. Huic adversantur Doctores Acatholici plerique: rigidissimè eam tenent & propugnant Professores Ingolstadienses. Nos hic delibabimus aliquas hujus doctrina probationes ex Jure I. Naturali. II. Divino. III. Canonico. IV. Casareo-Romano. V. Germanico.

S. 85.

I. Jure

Rationes ex Jure naturali petitas contra usuram variè versant Doctores. Omnes sundantur in illa Mutui lege, ùt loquitur Pontisex, (§.6.) quæ necessariò in dati atque redditi æqualitate versatur, contra quam ille agere convincitur, quisquis eadem æqualitate semel posita plus aliquid à quolibet, vi mutui ipsius, cui per æquale jam satis est factum, exigere adhuc non veretur. Cum igitur Jus

CAP. 11. Usura omni Jure probibita.

39

Jus naturale exigat, ut cujusvis contractus leges accurate ferventur, contra jus naturale delinquit, qui contra contractus legem absque alio justo titulo aliquid exigit.

€. 86.

Ex hoc fundamento argumentum ita instrui solet. Qui usurarum patrocinium suscipiunt, eas pro usu sortis naturali, creditæ præstari dicunt ; sive enim mercedis, pretij, accessionis, incrementi, compensationis, sive alio quocunque nomine appellent, conveniunt tamen, usuras deberi propter usum: (a) Jam verò jure naturali illicitum est, compensationem, pretium &c. exigere pro re, quæ omnino computari non potest, vel certè quæ sua non est: hoc autem facit usurarius, dum pro usu mutuatæ pecuniæ aliquid exigit; usus enim pecuniæ ab ipsa pecunia separatus, seorsum computari non potest, pretio distin-Eto; Sicuti qui vendit justo pretio substantiam tritici, nihil insuper pro ejus usu exigere potest, quia propter solum usum rem ipsam vendere potuit. Licet igitur vinum & vini usus, puta bibere, distinguantur in esse naturæ, non tamen in ordine ad commutationes; neque seorsim vendi potest vinum, & seorsim; quòd bibi possit; nam usus rei non valet, nisi quantum res ipsa, quæ usu consumitur. Vel faltem usurarius vendito vel locato usu pecuniæ, venderet aut locaret id, quod suum non est, quia ad eum pertinet rei usus, in quem translatum est dominium rei proprium, absolutum, & independens: hoc autem translatum est in mutuatarium. (§. 36.) Unde usuraria pravitas præcepto illo Decalogi est prohibita, non furtum facies, sicuti si quis rem plus justo vendat : locumque habet illud præceptum morale, statera justa & equa sint pondera, justus modius, equisque sextarius, (b) quo æqualitas in contractibus commendatur.

(a) L. 58. S. 6. ff. ad S. C. Trebell. vid. CUJACIUS observat. lib.

(b) Levit. XIX. 36.

9. 87.

9.87.

rite intellecto:

812

Hæ, similésque rationes convincere debebunt sanum intellectum, tum quia etiam ex Ethnicis illi, qui in morali doctrina singularem laudem habent, nempe PLATO, (a) ARISTOTELES, (b) CATO, (c) SENECA, (d) PLUTARCHUS, (e) naturalem turpitudinem in usuris agnoscunt: tum quia etiam Ecclesia (f) usuras Divinis Legibus prohibitas agnoscit : atqui Leges veteris Testamenti nos non obligant, nisi sint Leges Morales & ex jure naturali deductæ; Leges quoque Evangelicæ de contractibus & commerciis nihil statuunt, nisi ubi æquitas naturalis intercedit. Argumento hæc funt, dari contra usuras Legem naturalem, quam confirmant, & promulgant Sacræ Literæ.

(a) lib. s. de Legib. (b) lib. 1. Politic. c. 7.

(c) apud Ciceron. lib. 2. de Offic. in fin.

(d) de benefic. lib. 7. c. 10. (e) महहां महामा ठेला ठिवा ठिवा हिन्दी व्यु.

(f) Concilium Lateranense, relatum in e. z. & 4. de Usur. Concil. Viennense, relatum in Clem. un. de Usur.

§. 88.

Testimonia Veteris Testamenti contra usuras sunt II. Divino veteris sequentia. I. si pecuniam mutuam dederis populo meo pauperi qui Testamenbabitat tecum, nec urgebis eum quasi exactor, nec usuris opprimes. (a) II. Si attenuatus fuerit frater tuus... ne accipias usuras ab eo, nec amplius quam dedisti... pecuniam tuam non dabis ei ad usuram, & frugum superabundantiam non exiges. (b) III. Non fænerabis fratri tuo ad usuram pecuniam, nec fruges, nec quamlibet aliam rem; fed alieno. Fratri autem tuo absque usura, id quo indiget, commodabis. (c) IV. Domine quis habitabit in tabernaculo tuo? aut quis requiescet in monte sancto tuo?... qui jurat proximo suo & non decipit; qui pecuniam luam

suam non dedit ad usuram. (d) V. Vir si fuerit justus, &... ad usuram non commodaverit, & amplius non acceperit. bic justus est, vita vivet. Quòd si genuerit filium. ad usuram dantem, & amplius accipientem: nunquid vivet? non vivet. quòd si genuerit filium, qui... usuram & superabundantiam non acceperit. bic non morietur in iniquitate Patris sui, sed vita vivet. (e)

(a) Exod. XXII. 25. (b) Levit. XXV. 35. seq. (c) Deuteron. XXIII. 19. 20. (d) Psalm. XIV. 5.

(e) EZECHIEL. XVIII. 8. segq.

6. 89

Putant Usurarum fautores, Leges Veteris Testamen-non solum ti, quibus usura damnantur, ad solam Hebræorum Rem-ad Hebræpublicam pertinuisse, ne contra fratres & contribules su-os, os soenus exerceant: licitum autem illis suisse, usuras exigere ab alienigenis: (§. 88. III.) quod Deus minimè concessisse, si usura simpliciter essent inhonesta, & aquitati naturali repugnantes. Quod confirmant ex eo, quia Moyses in pramium Hebrais promittit: santa gentibus multis, & ipse à nullo sanus accipies: non est autem credibile, quòd DEUS in pramium servatorum praceptorum promittat rem intrinsecè turpem.

§. 90.

Ad hanc instantiam respondent alii I. (a) quòd acci-sedetiam pere ad usuram ab extraneis, non suerit concessum Ju-ad nos perdæis quasi licitum, sed permissum, ut scilicet pro hoc non tinente: punirentur pœna temporali &c. Alii II. Illam suisse comparativam permissionem, qua permittitur minus malum, ne majus malum siat; sicuti permissus fuit libellus repudii ad impediendum uxoricidium: ita permissam Judæis suisse usuram erga alienigenas, ne majori crudelitate graspoiss. It

42 CAP. II. Usura omni Jure probibita.

farentur in suos, ut suæ satisfacerent cupiditati; nunquam tamen caruisse penitus culpa usuram Judæorum etiam erga gentiles. Alii III. licitum Judæis fuisse ab iis alienigenis usuras exigere, quos tanquam hostes bello justo poterant impetere, juxta illud: Ab hoc usuram exige, quem non sit crimen occidere: (b) tunc verò non est usura strictè dicta, quia non engitur titulo mutui, sed titulo belli ju-Alii IV. usuras ab alienigenis exigere, Judæis permissum fuisse divina concessione, cum Deus sit plenissimus rerum omnium temporalium Dominus. Alii V. usuras Judæis fuisse permissas jure talionis, cum etiam vicini populi à Judæis exigerent usuras. Pertinacis cerebri eum esse oportet, cui nulla ex his responsionibus satisfacit. Nostri autem instituti modò non est, ut pervicaces Catholicæ Doctrinæ impugnatores convincamus. Allegatus pro Confirmatione textus non est ad rem; nam fænerare illic accipitur pro eo, quod est simpliciter mutuare, juxta illud (c) Quifacit mifericordiam, fæneratur proximo suo. fænerare proximo tuo in tempore necessitatis &c.

- (a) S. THOM. de Malo q. 13. art. 4. ad 1.
- (b) S. AMBROS. lib. de Tobia, capo 15.
- (c) Eccli. XXIX. 1. 2.

5. 91.

Legem veteris Testamenti contra usuras latam ad mastamenti, jorem persectionem reducit Servator noster, qui non venit legem solvere, sed adimplere. Audiatur Divinum oraculum: Si mutuum dederitis bis, à quibus speratis recipere,
qua gratia est vobis? nam & peccatores peccatoribus sanerantur, ut recipiant aqualia... mutuum date, nibil inde sperantes. (a) Cujus textus sensum suprà dedimus. (5.72.) Eò
autem majore rigore hac verba Christi contra usuras interpre-

CAP. 11. Usura omni Jure prohibita. 43 terpretari debemus, quo certius est, nullo alio Evangelii textu eas apertè damnari.

(a) LUC. VI. 34. 35.

6. 92.

Censet DOMINICUS SOTO (a) hunc Evangelii contra locum non illam habere energiam, quæ vulgo æstima-quosdam tur; ineptam glossam esse, quod prius membrum (mu-auctores, tuum date) sit consilii, posterius verò (nibil inde sperantes) præceptum: nullam illic edici prohibitionem injustitiæ usurarum, sed commendationem sieri misericordiæ mutui. Fatetur quidem, quòd URBANUS III. (b) Pontifex eundem locum ad confirmandam usurarum prohibitionem allegaverit: sed respondet, quod Papa non ubicunque citat testimonia sacræ Paginæ in aliquo sensu, intendit canonizare eundem sensum tanquam de fide; sed citat quandoque illud secundum Doctorum opinionem. Ita DOMINICUS SOTO, illustre Ordinis Prædicatorum sidus, cui bene vertat, quòd in Academia Ingolstadiensi Professorem non egerit; secus, proh, quam acerbas exprobrationes per exclamationes, interrogationes, aliásque figuras Rhetoricas agglomeraret R. P. Concina, quòd ejusmodi Auctor unicum Evangelii textum contra usuras, Ecclesiæ eripiat; quod contra Conciliorum, & SS. Patrum communem interpretationem verba Christi intelligat! diceretur fœdus iniisse cum hæreticis, séque cum iisdem Ecclesiæ doctrinæ opponere &c. O si eandem mansuetudinem Fr. Daniel erga alios de Republica Christiana optimè meritos Viros exhiberet, qualem ostendit (c) erga Dominicum Soto, longè aliam faciem, & Auctore Religiofo digniorem præseferrent Libri Conciniani.

(a) De J. & J. lib. 6. q. 1. art. 1.

(b) C. 10. de Usur.

(c) Comment. fol. 95. 6.c.

9. 93.

9. 93.

melius explicati à 645.

Ad quemcunque sensum allegati textus tam veteris, quam novi Testamenti à nonnullis detorqueantur; potior SS. Patri- nobis est Conciliorum & SS. Patrum auctoritas, Iqui dictis S. Scripturæ verbis usuram lucratoriam prohiberi ac damnari affirmant. Concilium Lateranense sub ALE-XANDRO III. asserit, usuras utriusque Testamenti pagina condemnari, (a) Concilium Viennense contra jura Divina pariter & humana facere eos definit, qui usurariam approbaverint pravitatem. (b) S. BASILIUS, (c) GRE-GORIUS NISSENUS, (d) AMBROSIUS, (e) HIERO-NYMUS, (f) AUGUSTINUS, (g) aliíque copiosè aceloquenter usurariam labem ex S. Scripturæ testimoniis insechantur, adeò ut ex mente allegati Concilii Viennensis velut hæreticus puniendus decernatur, qui pertinaciter affirmare præsumpserit, exercere usuras, non esse peccatum. Quæ definitio liquidò supponit, pravitatem usurariam inter revelatas divinitus veritates numerandam esse.

(a) C. 3. de Usur. (b) Clem, un. de Usur.

(c) In Psalm. 14. (d) Homil. 4. in Ecclesiastem. Item Orat. contra Usurarios.

(e) Lib. de Tobia, fere per tot.

(f) In cap. 18. Ezech. (g) In Pfalm. 36. serm. 3. & alibi.

§. 94.

III. Fure

De Prohibitione Juris Canonici non opus est multa Canonico. dicere. Canones Apostolorum, (a) Concilij Illiberitani, (b) & Nicæni, (c) aliíque plures relati in Decreto Gratiani, (d) in Decretalibus Gregorij IX. aliorumque sequentium Pontificum, (e) indubitata sunt argumenta sancti Rigoris, quo semper Ecclesia usa est contra usurarum crimen, statutis etiam gravissimis pœnis, dum usurarij L declarantur infames. (f) II. non admittuntur ad Sacra-

mentum Confessionis, nec ad Communionem Altaris, nec ad Sepulturam Christianam; nec oblationes eorum, quæ rapinæ censentur, recipiuntur, nisi pænitentes pro facultatum suarum possibilitate usuras restituerint, vel de restituendis cautionem præstiterint. (g) III. siunt Irregulares, & promoveri nequeunt ad ordines. (h) IV. Clerici ad Beneficia & ossicia Ecclesiastica non promoventur, & ab obtentis suspenduntur, aut omnino deponuntur. (i) V. Laici excommunicantur. (k) VI. Contrahunt intestabilitatem activam. (l)

(a) Can. 43. (b) Can. 20. (c) Can. 17.

(d) Dist. 47. item caus. 14. 9. 3. 6 4. (e) tit. de Usuris.

(f) C. 2. S. porro. v. aliquando. III. q. 7. item c. 11. de Excess. Pralat.

(g) C. 3. de Usur. c. 2. eod. in 6.

(h) C. 2. d. 33. c. 8. d. 46. c. 4. d. 47. (i) C. 5. d. 47. c. 7. de Usur. c. 11. de Exces. Pralat.

(k) C.7. de Usur. (1) c. 2. de Usur. in 6.

Hanc pænam non tantum Juris Canonici, sed etiam Legum interpretes Ingolstadienses agnoscunt & statuunt, VIGLIUS ZUICHEMUS in tit. Inst. quib. non est permiss. facere testam. in sine.

FRANC. ZOANETTUS in eleganti disputatione, an testamentum ejus, qui postea manifestus usurarius evasit; ob id irritum

FACHINEUS controv. Jur. lib. 5. c. 63.

CASPAR. MANZIUS de testam. valid. vel inval. tit. 2. n. 254. qui eam pœnam ex Statutis Bavaricis variè extendit.

GEORG. à WIDMONT. Colleg. in Pandett. part. 5. lib. 28. tit. 1.
n. 78.

### §. 95.

In Jure Civili Romano varia diversis temporibus IV. Jure fuerunt usurarum sata. Primum jure duodecim Tabula-Civili Rorum sanctum, ne quis unciario sænore amplius exerceret, cum tiquiore, antea

CAP. 11. Usura omni Jure prohibita.

antea ex libidine locupletum agitaretur. (a) Minimæ igitur tum permittebantur usuræ, ut pro centum mutud datis singuli quotannis penderentur. (6.80.) Lex ista fortè sequentibus annis antiquata, C. Martio, & Cn. Manlio Coss. in usum revocata videtur anno urbis 396. quo tempore de unciario fœnore à M. Duilio, & L. Mænio Tribunis plebis rogatio est perlata, à plebe aliquanto cupidiùs scita acceptáque. (b) Decem annis post Duilij rogationem, T. Manlio Torquato & C. Plautio Coss. semiunciarium tantum ex unciario fœnus factum, ita ut de forte centum Numorum fingulis annis non nisi medium Numum exigere liceret. (c) Demum Romæ sublatum omne fœnus, & vetita versura, multisque plebisscitis obviam itum fraudibus, quæ toties repressæ miras per artes rursum oriebantur. (d) Diuturnus non fuit iste rigor: nam postea Edictis Prætorum, tum etiam Senatus Consulto approbatæ fuerunt usuræ Centesimæ. (e)

(a) TACITUS lib. 6, Annal. cap. 6.

(b) LIVIUS lib. 7. c. 16.

(c) Ibid. c. 27. (d) TACIT. loc. cit. add. APPIANUS lib. 1. de bell. civil.

(e) Vid. CICERO lib. 5. ad Attic. epift. ult.

1. 96.

& recentiore,

Centesimæ igitur usuræ erant gravissimæ, (a) maximæ, (b) & legitimæ, (c) eo quòd legibus prohibitum effet, majores stipulari. Novus tamen usuris modus positus, & quantitas definita à JUSTINIANO, veterem duram & gravissimam earum molem ad mediocritatem deducente, (d) ne Illustres excedant trientem Centesimæ: ne Mercatores bessem : ne reliqui semissem excedant. Ab Agricolis pecuniæ nomine trientem duntaxat exigere fœneratores poterant. (e) Usuram Centesimam permittit Justinianus stipulari

CAP. 11. Usura omni Jure probibita.

pulari nomine pecuniarum trajectitiarum ( quæ traduntur navigaturis periculo creditoris ) & specierum fœnori datarum, quo nomine intelliguntur species annonariæ, uti oleum, vinum, frumentum. Ab agricolis ex causa frumenti crediti, in fingulos modios octavam modij partem exigere permittebatur, quæ usura aliquanto major est quàm usura centesima. (f)

(a) l. 7. 9. 8. ff. de administr. tutor.

(c) l. 1. §. 3. ff. de pignor. l. 7. §. 4. & 10. ff. de administr. tut.
(d) l. 26. §. 1. C. de Usur. (b) 1. 38. ff. de negot. geft.

(e) Nov. 32. 6 34. 6. 1. (f) Rationem, cur major usura permittatur frumenti, quam pecuniæ, tradit PEREZ ad tit. Cod. de Ufur.

### 9. 97.

An autem & quasnam usuras Leges Civiles appro-quod alibent, aut solum permittant, res est implicatissima qua- quasusustionis, nec præsentis Instituti. Ajunt, in Jure Justinia- ras appreneo approbari solum usuras Punitorias, (S. 75.) Usura bat, enim non propter lucrum petentium, sed propter moram solventium infliguntur. (a) De his stipulandi formulam leges exhibent. (b) Putant autem Doctores, talem pœnam potuifse imponi à Legislatoribus moroso debitori, sicuti dominus rei furtivæ à fure non posset privata auctoritate duplum exigere, potest tamen exigere auctoritate publica, lege hanc poenam constituente.

(a) L. 17. 5. 3. ff. de Usur. (b) L-40. ff. de reb. cred.

### §. 98.

Aliquæ usuræ etiam in legibus civilibus sunt apertis aliasimverbis improbatæ, quales sunt, quæ supra legitimum mo-probat, dum folyuntur: (a) item usuræ usurarum, (b) quando fciscilicet usura sortis non soluta redigitur in ipsam sortem, & ei quasi coalescit, ut nova inde usura exigatur, quod Anatocismus dicitur. Item usuræ excrescentes in alterum tantum: (c) de quarum praxinon prorsus concordes funt Juris Civilis Interpretes. (d)

(a) L. 26. pr. ff. de condict. indeb.

(b) L. 29. ff. de Usur. l. 28. C. eod. l. 27. ff. de re jud.

(c) L. 10. C. de Usur. Novell. 121. 6 138.

(d) Vid. TABOR. tr. de altero tanto. STRYCK. de usu modern. Pandect. lib. 22. tit. 1. §. 16. 17.

#### S. 99.

alias tolerat.

Aliæ Usuræ ex stipulatione debitæ, tolerari in Jure Civili dicuntur, velut malum quoddam necessarium, cum non soleant Legislatores omnia, quæ honesta sunt, præcipere, vel omnia, quæ turpia sunt, prohibere. Hic Legislatorum Civilium animus colligitur ex Novella Constitutione Leonis Imperatoris, quæ haud obscurè usuras damnat, & tamen trientes permittit. (a) Justinianus quoque saltem tacitè usuras reprobat, dum servari jubet Decreta Concilii Nicani, (b) usuras prohibentis. (S.94.C.)

(a) Novell. Leon. 82. (b) Novell. 131. c. 1.

§. 100.

V. Fure 60.

Religiosiores fuere semper Germani, quorum Le-Germani- ges tam antiquæ, quam recentiores unanimi calculo detestantur usuras. Antiquissimis Germanis adeò ignotum fuit fœnus, ut ad illud cohibendum prohibitione opus non fuerit. (a) Postquam autem populi hujus simplices mores mixtione aliarum nationum corrupti fuerunt, opportuna identidem remedia adhibebantur. Sub Regibus Francis

Francis gravissima Decreta edita fuerunt contra usuras, quod Capitularia illorum Regum ac Imperatorum passim demonstrant. (b) Horum vestigia secuti sunt posteriores Imperatores MAXIMILIANUSI (c) CAROLUS V. (d) MA-XIMILIANUS II. (e) RUDOLPHUS II. (f) Adharum autem Legum Imperialium præscriptum etiam statuta Provinciarum & Civitatum, (g) præsertim Bavariæ nostræ prohibent, & sub poena amittendæ sortis damnant usuras, à sancta Christiana Ecclesia probibitas, uti pietate observatu digna loquuntur Statuta Provincialia Bavariæ. (h) Neque Principes Imperij, quamvis sæpius solicitati, unquam ausi fuerunt, usuram lucratoriam & stricte dictam publica lege comprobare: (i) Quando igitur varia referuntur documenta, (k) de Usuris per plura elapsa sæcula exactis, aliud inde inferri non potest, quam verissimas fuisse querelas Summorum Pontificum, & Concilij Viennensis, (1) quòd usuraria pravitas in plurimis locis invaluerit, & etiam statutis quorundam particularium locorum approbata fuerit.

(a) TACITUS de Morib. German. c. 26.

(b) Capitular. lib. 1. c. 5. lib. 2. c. 38. & alibi passim. item in Legibus Lotharij I.c. 19.

(c) Rec. Imp. Augusta ann. 1500. tit. 31.

(d) Reform. Polit. Augusta ann. 1530. tit. 26. 27. & ann. 1548. tit. 17. item Rec. Imp. Ratisbon. ann. 1532. tit. 8.

(e) Rec. Imp. Spira ann. 1570. 6. 83.

(f) Ordinat. Polit. Francofurti ann. 1577. tit. 17.

(g) Legi merentur Statuta Norimbergensia de ann. 1479. tit. 22. leg. 3. Urbis Friburgensis in Brisgoja de ann. 1520. tract. 2. tit. 1. Wirtembergensia de ann. 1552. fol. 12. &c. Stettinensia, quibus adjecta sunt Mandata gravissima contra usurarios de ann. 1567. & 1568. CHRISTIANUS III. Rex Daniæ ann. 1553. consuluit viros doctos illius temporis in Germania, ex quibus unus censuit, posse fieri Constitutionem, qua pænæ statuantur in usuras quincuncibus majores: alter autem, nempe HIERONYMUS SCHURPH JCtus judicavit, nec minores,

nores quidem usuras debere auctoritate publicæ Constitutionis esse impunitas. Vid. LUDEWIG Reliq. MS. Diplom. tom. 5. lib. 2. n. 16.

(h) Ordin. Polit. lib. 2. tit. I. art. I.

(i) MELANCHTHON in Responso Juris ad Regem Daniæ apud LUDEWIG loc. cit. n. 14. testatur, multa de his rebus agitata esse in Comitiis Imperii Ratisbon. ann. 1541. occasione Edicti, quo Carolus V. in provincijs suis hæreditarijs reprobaverat usuras, quæ excederent Centesimas: responsumque esse, quòd uti Justinianus, ita & Carolus nullas usuras, neque majores neque minores approbet: sed solummodo nolit punire moderatas; cum Princeps satis præstitisse censendus sit, si majora scelera pænis cohibeat.

(k) apud BOEHMER Fur. Ecclef. Prot. tib. s. tit. 19.

(1) C. 3. de Usur. Clem. un. eod.

S. 101.

Contra Usuras interpretatur Jura Benedictus XIV.

Datam hucusque Legis naturalis & Divinæ interpretationem confirmat, Legibus fimul humanis ufuram permittentibus se opponit SS. D. N. BENEDICTUS XIV. dum in Literis suis Encyclicis usurarum Patronos non modò Divinis documentis, & Catholicæ Ecclesiæ judicio, fed ipfi etiam humano communi fensui, ac naturali rationi procul dubio adversari (§, 11.) labémque istam ac vitium à Divinis Literis vehementer improbari (§. 18.) decernit. Quamvis enim tum alia quædam vitia, tum etiam usuræ Judæorum in multis Regionibus libere permittantur; nulla tamen occurrit necessitas aut utilitas dissimulandi inter Christianos pravitatem usurariam, cum ex una parte difficillime usurarij à noxijs excessibus cohibeantur, ex altera parte varij alij tituli in mutuo, ac alij à mutuo distincti contractus supperant, per quos negotiationes in Republica promoveri, & lucrum ex collocata pecunia obtineri licitè possit. (§.7. & 8.)

§. 102.

Idem quod BENEDICTUS docet, tenuerunt hucus- & Proque Professores Ingolstadienses, qui usurariam pravita fessores tem, tanquam juri naturali, Divino, & positivo huma- Ingolstano adversantem, semper & unanimi calculo detestati, idque publicè in libris suis professi sunt. Non opus est repetere eorum nomina, suprà posita, (§. 82.) cùm ex illis nemine excepto Pontificiam hanc doctrinam propugnent omnes.


His addi possunt, qui Ingolstadienses Cathedras ornarunt, plurimi alij, inter quos primum locum jure meritissimo obtinet Academiæ hujus Rector Magnificus, & sidei Catholicæ per Germaniam Columen sirmissimum Vener. PETRUS CANISIUS, qui in opere Catechistico cap. 5. ubi de Virtutibus Cardinalibus agit, diligenter notat loca Veteris ac Novi Testamenti, Sanetorum etiam Patrum contra usuras, quæ nos allegavimus.

Item ANDR. FACHINEUS Controvers, Jur. lib. 9.6.30.
NICOL. EVERHARDUS Junior, vol. 1. Confil. 8. cui subscripsit
Facultas Theologica & Juridica Ingolstadiensis.

JACOB. WEX Ariadn. Canon. p. 4. decad. 1. caf. 9. n. 28. FRIDER. MARTINI de Jure Censum Cap. 1. n. 35. seqq. CHRISTOPH. de CHLINGENSPERG Colleg. Jur. Civil, lib. 3.

tit. 15. 9. 2.

Sunt etiam in manibus Theses Theologicæ plurimæ, quarum publica propugnatione suturis in Academia Ingolstadiensi Theologicis Prælectionibus, ibidem proluserunt samosi postea Theologiæ Prosessors OSWALDUS COSCANUS, LAURENTIUS FORERUS, SIMON FELIX, GASPAR LECHNERUS &c. qui omnes contra usuras, tanquam omni lege prohibitas, pronuntiant.



G 2

CAPUT